

墨卿談乘

墨卿談集

墨卿談乘卷之八

江陵惟時張懋修著

雜俎

天酒天乳天漿

瑞應圖。仁瑞之澤其凝如脂。一名膏露。一名天酒。佛書甘露入盤足為天酒。盧師道表神漿可通流味。九戶之前天酒自零。凝照三階之下。春秋緯。酒為天乳。王者法酒旗以布政。施天乳以哺人。列星圖。天乳一星在氐北。主甘露明潤。

則甘露降

段成式曰安石榴其子甜者謂之天漿是三名之起皆由於甘露為此也

樹汁采醴雀餒

鄭敬為郡功曹都尉高懿廳有古槐降如甘露者椽属皆賀獨敬曰但樹汁耳懿不悅托疾而去

蔣山栢林常多采醴陳後主以為甘露

雀餒後人亦以為甘露按餒者飴糖也古人以

雀餵名之。其味嘗甘。雀可采食醴初成。甘酒也。然則三名之起。皆甘露之似是而非者也。內記曰。爵錫似甘露而色黃。降者飢荒。蓋即雀餵而字異。

土鹽石鹽火鹽

隴西之瞿堆一名仇夷。上有平田百頃。煮土成鹽。

天竺國河源所出。分派之水有味甚甘者。云其中自生石鹽。可食。解州池亦自生石鹽者。名瑞

鹽

蜀地里志續臨邛有火井煮井水一斛得鹽四斗五升又周禮註有虎形鹽恬者今之戎鹽按恬蓋味之淡者王右軍帖有戎鹽似用為服食之須者又與石鹽皆未見今蜀中往往有五色鹽如石屑者皆入藥用疑火石鹽之類耳

水經註有傘子鹽如傘蓋乃煮時凝結于竹釜上成形非有他異也又青鹽一名戎鹽郭璞鹽池賦飴戎見珍于西隣火井擅奇于巴蜀隋志

後周掌鹽掌四鹽政令散鹽煮海以成之藍鹽
引池以化之形鹽掘地以出之也虎形飴鹽于戎
以取之

虎官虎貞虎人

漢宣城太守封邵一日化為虎食郡民民呼曰
封使君即不復來其地謠曰莫學封使君生不
治民死食民

交州記左翺為縣功曹曾化為虎不識其兄數
月復作吏

唐李積病狂走入山化為虎其友人御史李儼奉使南海路出荆南。吏白溪曲有虎。儼曰吾銜王命。豈畏虎乎。行見一虎吼而出。見儼識之作人言曰。幾傷吾故人。曰來。吾向食一婦人。留其銀握臂。在水邊百步外。托使君致遺吾家。因歎曰。食其人。取其物。以遺妻子。非人所為。吾倒行逆施之耳。儼曰。君平生豈有恨乎。虎曰。吾常私一孀婦。其家有害我心。吾以其室盡醉而殺之。乃匿。獨恨是耳。儼別去。虎吼林木皆奔。按此三

記或一時訛言或文人寓警語遂流傳如此也

蒜髮笑髮

齊人申金月令多食蒜髮早白

唐詩註白髮曰笑髮言多笑傷心而髮白也

鼻祖鼻子

鼻祖始祖也說文曰今俗以始生子為鼻子

糯人

稻梁黍稷皆有糯者以其味甜慥柔膩也今人之糯柔者亦謂之糯人其想象也妙矣軟枣亦

名糯枣

礬石巴豆

礬石蠶食之肥。鼠食之死。巴豆鼠食之重。一斤人食之泄。

磁石益眼。美玉潤肺。

豐寧傳載。益眼者。無如磁石。以為盆枕。可老而不昏。寧王宮中多用之。

貴妃素有肉體。苦肺熱。每日含一玉魚。藉其涼。津沃肺。

人吐珠玉

和琳有尼能吐珠玉雜寶

出雅演

閹割之法

元人杭州有沈生與道姑通同門欲白之師沈懼以厨刀自割其陽幾死瘡口經月餘血不止偶問諸閹奴教以煨所割之陽搗成粉酒服如其言數日愈痂落

割政

史記帝紀三有割政謂割剥之政也

男子乳兒

東漢李善字次孫南陽人本同縣李元蒼頭時
大疫元一家多死惟孤兒續方二旬諸奴謀殺
續分財善潛抱續逃自哺養乳為湏流養十歲
將兒詣縣告理令悉收諸奴殺之還其產唐元
德秀字紫芝舉進士事母孝母亡不娶以兄子
為子家貧無乳貧自乳之數日湏流嘗為魯令
作于為樂歌上唐玄宗歎曰賢人之言哉二乳
事奇

古墓用機

漢平帝母丁太后陵在定陶王莽貶丁姬開其
擲火炎數丈吏卒水沃之又段成式載盜發一
古塚遇石門以鉄錮之乃多以洋糞沃之開見
箭出如雨投數十次大石射隨發動發盡乃燃
炬而入二重門又有木人運劍傷人衆以杖擊
之劍落盡隨入見漆棺懸以鉄索其下金珠堆
集忽棺兩角颯颯風起沙撲人面少頃沙埋人
膝衆懼奔出而穴以沙塞

妙在水經言越王勾
此機

錢都琅琊發一塚中飛箭射人遂止按漢將作
營陵內方石外沙演戶交橫莫耶設伏弩伏火
此蓋古制有其機也亦巧秘矣

墳地樹栢

秦時陳倉人獵得獸如猪而不知其名道逢二
童子曰此獸名弗述常在地食死人腦欲殺之
當以栢插其首又周禮方相氏歐罔象此物好
食死人肝然畏栢與席今墓栢樹隧道石席為
此也

羣燕嚙土

漢景帝以罪徵臨江王榮荊州父老祖王於北
門王車軸折父老泣曰王不返矣王至中尉郅
都急責王王年少怖而自殺葬於藍田川有群
燕啣土置塚百姓見而憐之

王莽平共王母傳太后墳時有群燕啣泥土投
丁姬堯中巍然成墳然則燕之為鳥智能為巢
避甲乙木而就戊己土乃偏司土德者乎

粧書法

宋板書至今多有存者當時造黃冊簿綿帑及竹帑也以其性耐濕不蠹故堪久藏今官府所用書多用綿帑有粉帑者又綾絹為皮可恨既占箱笥又易爛壞書肆所印草惡帑橡栗染殼者速壞無論惟有荆川連印帑以金粟山藏經帑法為殼者不脫可久藏且不占箱笥若在人定不務飾觀

玉英

含神霧含始游於洛池有玉鷄御赤珠刻曰玉

英吞此者玉含始取而吞之此漢高之母也范
子計然曰玉英出藍田元稹詩玉英惟向火中
冷山海經黃帝取崆山之玉榮離騷懷琬琰之
華英又登崑崙兮食玉英呂溫古興劍任刺鍾
看玉從投火試

蜜劑

陶九成曰回回地有七八十老人頤捨身濟衆
者乃絕飲食澡身啖蜜經月便溺皆蜜既死國
人殮以石棺蜜漬之鑄其歲月於棺瘞之百年